



VESTRE SLIDRE KOMMUNE

Handlings- og økonomiplan 2026-2029

**Formannskapet sitt forslag etter handsaming
20. november 2025**

I møtet den 20. november 2025 handsama Formannskapet Kommunedirektøren sitt forslag til Handlings- og økonomiplan av 13. november 2025 med forslag til gebyrsatsar for 2026.

Formannskapet sitt vedtak framkjem nedanfor.

Økonomiske konsekvensar av vedtaka inneber desse endringane i forslag til driftsbudsjett samanlikna med Kommunedirektøren sitt forslag:

- Kraft- og næringsfondet:
 - o auke budsjetttramma med kr 1 mill for å dekke kostnader for ei utjamningsordning på eigedomsskatt. I samsvar med vedtak i Kommunestyret, sak KS 028/25 og Formannskapet sak FS 024/25.
- Kraft- og næringsfondet:
 - o auke kostnad til løypekøyring i 2026: kr 80 000 dersom det blir vedteke av Kommunestyret.
- Vestre Slidre skule, tur til Fondsbu for 9. klasse:
 - o ta inn att kostnad for tur til Fondsbu for 9. klasse, estimert til totalt kr 50 000, dersom det blir vedteke av Kommunestyret.

Endeleg vedtatt Handlings- og økonomiplan med budsjett og økonomiplaner blir ferdigstilt når Kommunestyret har fatta sitt endelege budsjettvedtak.

Frå protokoll frå Formannskapet sitt møte 20. november 2025:

052/25 Handlings- og økonomiplan 2026-2029 - handsaming i formannskapet

FS - 052/25 Vedtak:

Formannskapet legg det vedlagte årsbudsjettet for 2026 og handlings- og økonomiplanen for 2026 - 2029 fram for kommunestyret med følgjande forslag til vedtak:

- 1) Årsbudsjettet for 2026 og handlings- og økonomiplanen for 2026-2029 blir vedteke slik det går fram av vedlagte dokument.
- 2) Investeringsbudsjettet for Vestre Slidre kommune for 2026 vert godkjent med ei totalt ramme på kr 84 087 500, med eit nytt låneopptak på inntil kr 65 850 000.
- 3) Vanleg skatt på inntekt og formue i 2026 vert fastsett lik høgaste sats Stortinget godkjenner.
- 4) Nye satsar for eigenbetaling/gebyr blir i samsvar med vedlagt gebyrhefte til økonomiplanen for 2026-2029.
 - Gebyr der Stortinget fastsett sats, skal Vestre Slidre kommune nytta maksimal sats.
- 5) Vatn og avløp skal vera 100% finansiert som sjølvkost. Dersom det ikkje er midlar på fond til å dekkja årsunderskotet skal underskotet framførast til dekking seinare år.
- 6) I medhald av eigedomsskattelova §§ 2 og 3a, vert det i 2026 skrive ut eigedomsskatt for fast eigedomar i heile kommunen, med følgjande vilkår:

Den alminnelege promillesatsen vert sett til 7,0 promille jf eigedomsskattelova §11. Differensiert skattesats for bustader og fritidsbustader vert sett til 2,0 promille jf eigedomsskattelova §§ 11 og 12a. Differensiert sats for ubebygde grunneigedomar/tomert vert sett til 1,5 promille jf eigedomsskattelova § 12b. Jf kommunestyresak 012/25.

I tillegg til eigedomar nemnt i § 5 i eigedomsskattelova, vedtek kommunestyret fritak for eigedomsskatt i 2026 for eigedomar nemnt i § 7 a-d. Dette gjeld eigedomar til lag og foreiningar (§ 7a), bygningar som har historisk verdi (§ 7b), fritak for bustadeigedomar oppført etter 01.01.2016 i 10 år etter dato for ferdigattest (§ 7 c), samt eigedomar i visse deler av kommunen (§ 7d).

Takstvedtektene for eigedomsskatt i Vestre Slidre kommune vedtekne i kommunestyret 13.09.2013 skal gjelde for eigedomsskatteåret 2026, jmf eigedomsskattelova § 10. Eigedomsskatten vert skriven ut i to eller fleire terminar, jmf eigedomsskattelova § 25 fyrste ledd.

7) Formannskapet ber kommunedirektør implementere ks vedtak av mai 2025- KS 28/25 om å styrke kraft og næringsfondet med 1 mill, før Handlings-og økonomiplan 2026-2029 kjem til kommunestyrehandsaming. FS ber om gjennomgang av vedtekter for fondet for bruk i budsjettsamheng.

8) Formannskapet ynskjer meir opplysning om budsjettet Va utbygging i andre kommunar utført av Vestre Slidre kommune, fram til slutthandsaming i kommunestyret. Det går på korleis dette verker inn sjølvkost, anleggsbidrag frå utbyggjar, kapasitet og for eige kommune.

9) Støtte til skiløyper blir auka med kr 80 000

10) Formannskapet ønsker at 9.klasse ved Vestre Slidre skole skal gjennomføre tur til Fondsbu. Kostnad til tur legges derfor tilbake i budsjettet.

11) Formannskapet ber om at administrasjonen, i dialog med barnehagene, gjør en vurdering om matpenger i barnehagene bør økes.